



Synod Inkhawmpui ṭan a ni ta

Synod Inkhawmpui vawi 100-na chu nizan khan ṭan a ni ta a, he hun pawimawh tak, kan Kohhran rorelnaa pawimawh ber pakhat kan thleng thei hi a lawmawm tak zet a, Pathian min hruaina zawng zawngah lawmthu kan sawi a ni.

Synod Inkhawmpui ṭanna, nizan khan *Inlawm-na leh Kohhran chanchin Report* inkhawm neih a ni a, Moderator Rev. Dr. C. Chawng hmingliana'n kaihruiin, inlawmna thu a sawi a, Synod report ngaihtlak a ni. Zaipawl pathum - Phullen Vengthar Pastor Bial Zaipawl, Kawnpui Chhimveng Pastor Bial Zaipawl leh Mizoram Synod Choir-te'n fakna hla an rem bawk.

Inkhawmpui chhungin zaipawl 21 an zai dawn a, Mizoram Synod Choir-te hi ṭum hnih an zai dawn a ni.

Vawiin hian chawhma dar 9:30-ah rorel inkhawm ṭan a ni dawn a, Moderator kal chhuak Rev. Dr. C. Chawng hmingliana'n Moderator thar Rev. R. Vanlalnghaka hnenah mawhphurhna a hlan hnuah Moderator thar kaihruiin rorel a ni ang. Rorel inkhawm hi chhun lamah chawhma dar 9:30 aṭanga ṭlai dar 4:00 thleng neih ṭhin a ni dawn a, rorel hi Inrinniah zawh theih beisei a ni.

Zan lamah vantlang Pathian biak inkhawm a awm ṭhin dawn a, palaite



bakah, thlengtu bial chhunga kohhran mite taima taka inkhawm ṭhin ni se, a lawmawm ang.

Synod Inkhawmpui hi Pastor Bialin a thlen a nih angin a nghahna Mission Veng Biak In bakah, Pastor Bial chhunga Kohhran dangte pawhin an ngai pawimawh em em a, inkhawmpui chhung hi chuan an Biak Inah a hranpaa inkhawm nei lovin, inkhawmpui lama in-

khawm turin kohhran mite an inchah a ni.

Synod Inkhawmpui hi kum 2019 khan kan thleng a, chumi hmaa Mission Veng Kohhrana Synod nghah hnuhnun ber chu kum 1998 kha a ni.

Synod Inkhawmpui hi kan kohhran rorelnaa pawimawh tak a nih angin, palai zawng zawngte pawh ngaihtuahna uluk tak leh fīm taka hmanga rorel turin duhsakna kan hlàn a. Pathian duh dan ang leh kan kohhran kal zelna tur ṭhilah a ṭha ber rêl chhuah a nih theih nan te, inkhawmpui hi thlarau lama malsawmna kan dawnna hmun a nih theih nante Pathian hnenah i dil ṭhin ang u.

Palaite kan lo lawm a che u

Synod Inkhawmpui wawi 100-na palai zawng zawngte Synod Inkhawmpui Thlen Committee-in chibai bukin kan lo lâwm a che u. Mission Veng Pastor Bialin Mission Veng Kohhran kum 125 tlin kuma Biak Inpuia Synod wawi 100-na kan thleng thei hi a lawmawm hle mai. Palai zawng zawngte Inkhawmpui chhûng zawnga him tak leh hlim taka hun hmang turin duhsakna kan hlan a che u.

Inkhawmpui thleng tur hian kan theih ang tâwkin Bial chhunga Kohhrante lungual takin kan lo inbuatsaih ve a. Budget thawh khawm chungchangahte thahnem kan ngai tlang em em a. Thakthing Veng Kohhran leh Tuikhuahtlang Kohhran chuan an bungrua mamawh apiang a nghahna hmuna hman an phal vek a. Inkhawmpui chhung hian an Biak In khâr meuhin Synod Inkhawmpuina lamah an inpumpek a ni.

Mission Veng Kohhran Committee chuan Synod Inkhawmpui wawi 100-na leh Kohhran kum 125 tlin lawmna pualin inkhawmpui palaite tan ruai a buatsaih dawn a. Hei hi Inkhawmpui Thlen Committee-in rawt a châk em em, a rawt ngam chiah si loh a ni a. Mission Veng Kohhran Committee chungah pawh lawmthu kan sawi a ni. Synod Inkhawmpui Centenary Ruaipui hi kîl theuh turin palai zawng zawng kan sâwm a che u.

Kan hmunhmate'n a zir tâwk



loh avangin chêt velnate a rem lo hle mai a. In beisei ang kan phâk lohna zawng zawngah palaite hriatthiamna kan ngen a ni. Synod Office leh Synod Bookroom dawr turte tan erawh a remchang hle thung a; harsatna hrang hrang karah remchânate pawh a awm ve zel a ni.

Eng kawngah pawh harsatna neite chuan Inkhawmpui Thlen Committee puipate emaw, Viltu (usher) awm remchang apiangte hnenah emaw inthlahrung hauh lovin in hriih zel dawn nia. A theihna apiangah tanpui che u kan inpeih reng a ni.

Inkhawmpui hmanga lo kal zawng zawngte tisa leh thlarau lama malsawmna in dawn theuh theih nan duhsakna kan hlan che u a. Krismas leh kum thar chibai kan bûk bawk a che u.

*- Upa Zonunmawia, Secretary,
Synod Inkhawmpui Thlen Committee*

Chibai bûkna leh lawmthu sawina

~ Rev. Dr. C. Chawngghmingliana ~
Moderator kal chhuak

Kum 2023 Synod Inkhawmpui chu Pathian hruaina zelin kan lo thleng leh ta reng mai. Synod Inkhawmpui hmanthu zawng zawngte kan Lalpa Isua Krista, Kohhranho lal ber leh hotu ber hmingin chibai ka bûk veka che u.



Chu mai chu a la ni lo, inkhawmpui thlengtu Mission Veng Kohhran pawhin Synod Inkhawmpui wawi 100-na lawm nan palaite ruai min thehsak an tum bakah hriatrengna thilpek min hlan vek an tum bawka, a lawmawm ngei mai. Heng zawng zawng hi Pathian malsawmna vek

Kumin Synod Inkhawmpui hian kum dang zawng aiin danglamna bik tak a nei a, chu chu **SYNOD INKHAWMPUI WAWI 100-NA** a ni. He Synod wawi 100-na pual hian Synod Office kawt zawl bang chhak lamah hian thuziak mawi tak leh Synod emblem târ a ni a. Synod Inkhawmpui wawi 100-na hriatrengna tur thuziak banga târ tur palai zawng zawng te hnenah pek vek turin Synod-in a buatsaih bawka.

a ni, Lalpa ropui ber rawh se.

Moderator ka nih hun chungu chu ka lo hman zo ve ta a. Mualpho lutuk lova mawhphurhna min hlen chhuahtirtu Pathian chungah ka lawm em em a. Bâng lova min ãawngtaisaaktu Kohhranho chungah lawmthu ka sawi tak meuh bawka. Synod Inkhawmpui wawi 100-na hi tluang tak leh hlim taka hman turin duhsakna ka hlan vek a che u.

TAWNG LETTU

Synod Inkhawmpui hian hnam dang, Mizo ãawng hrethiam lote'n inkhawma Mizo ãawnga thil sawite an hriatthiam ve theih nan ãawng lettute eng emaw zatruata ni ãhin a, tun tum Synod-ah hian ãawng lettute atan mi paruk ruat an ni.

Inkhawm hruaitu, thuhritlu leh mi dangte thil sawite chu ãawng lettute'n sap ãawngin an lo sawi ve nghal zel a, chu chu hnam dangte'n headphone/earphone hmanin an lo ngaithla ãhin a ni.

Ãawng lettute atana ruatte

1. Upa Rochungnunga, *Convener Superintendent, Synod Office*
2. Rev. Samuel Lalmuanpuia Pachuau, *Koilamati*
3. Rev. James Lalremmawia, *FGCC, Khawzawl*
4. Rev. Dr. Malsawmtluanga, *Odhisa*
5. Rev. Zosangliana Rokhum, *Marpara North*
6. Rev. Dr. Hminga Pachuau, *Chaplain, CMC, Vellore*

SYNOD 2023 PUIPATE

REV. R. VANLALNGHAKA

Moderator

S/o Lalvuana (L),
Kanan Veng, Aizawl
Pian ni: 13.02.1962
Thiamna: B.Th., B.D.
Pro.Pastor: 1989-1991
Nemngheh kum: 1991



Pro. Pastor

1. Lunglei Bial - Hnahthial: 1989-1990
2. Republic Veng Bial: 1991

Pastor/Minister

1. Khuangleng Bial : 1992-1999
2. Champhai Kahrawt Bial : 2000
3. Field Secretary, Arunachal W: 2001-2003
4. Thenzawl Bial : 2004-2008
5. Dawrpui Bial: 2009-2013
6. Director, Synod Rescue Home: 2014-2019
7. Chanmari Bial : 2020-2023

UPA B. LALHMUNLIANA

Secretary (Senior)

s/o P.B. Chalhna (L),
Bethlehem Venglai
Pian ni: 13.06.1964
Thawh mek: Supervisor,
PRESCOM
Tual Upa: 2000
Upa nemngheh : 2005



REV. P.B. MANKIMA

Secretary (Junior)

S/o B. Lalchawna (L)
Chanmari West
Pianni: 13.11.1965
Thiamna: B.Th., B.D.
Pro. Pastor: 1994-1996
Nemngheh kum: 1996



Pro. Pastor

1. Bungtlang South Bial: 1994 - 1996

Pastor/Minister

1. Lengpui Bial: 1997-2003
2. Champhai Kanan Bial: 2004-2008
3. Field Secretary, Arunachal East: 2009-2011
4. Field Secretary, Arunachal East: 2012-2014
5. Venghnua Bial: 2015-2019
6. Chhingha Veng Bial: 2020-

REV. V.L. LUAIA HRANLEH

Finance Officer

s/o Kalkhama
Vaphai
Pian ni: 28.05.1967
Thiamna:
B.Th., B.A., B.D., M.Th.
Pro. Pastor: 1995-1997
Nemngheh kum: 1997



Pro. Pastor

Vairengte Bial: 1995-1997

Pastor

Mamit Bial: 1998-2004
Hnahthial Bial: 2005-2009
UCC, Barapani: 2010- 2011
Administrative Secretary, PCI:
2012 - May 2018
Sihphir Vengthar Bial: June 2018-2021
Executive Secretary: 2022-

REV. P.C. PACHHUNGA,

Finance Officer

s/o Laldailova (L),
Mission Vengthlang
Pian ni: 23.12.1957
Thiamna: B.Th., B.D.
Pro.Pastor tan: 1987-1989
Nemngheh kum: 1989



SYNOD 2023 PUIPATE

Pro. Pastor

1. Khawlwailung Bial : 1987-1989

Pastor/Minister

1. Kawlkulh Bial : 1990-1996
2. Champhai Vengthlang Bial : 1997-2002
3. Field Secretary, Manipur: 2002-2007
4. Bawngkawn Bial: 2008-2012
5. Executive Secretary: 2013-2018
6. Electric Veng Bial: 2019

UPA LALNUNSIAMA COLNEY,

Statistician

S/o Upa Rangkhuma
Ramthar Tlangveng,
Aizawl

Pian ni: 26.04.1959

Tual Upa: 2001

Upa nemngheh kum: 2003



REV. C. ZORAMMAWIA,

Senior Executive Secretary

s/o V.M. Dawngliana,
Kawlkulh

Pian ni: 03.03.1964

Thiamna: B.D., M.Th.

Pro. Pastor: 1990-1992

Nemngheh kum: 1992



Pro.Pastor

1. Chhiahtlang: 1990-1992

Pastor/Minister

1. Damparengpui Bial: 1993-1997
2. UTC, Bangalore (M.Th.): 1998-1999
3. Kolasib Diakkawn Bial: 2000-2001
4. Chaplain, CMC, Vellore: 2002-2007
5. Field Secretary, Tripura: 2008-2013
6. Dawrpui Bial: 2014-2015
7. Administrative Secretary, Manipur Area: 2016-2018
8. Secretary, SMB: 2019-2021
9. Senior Executive Secretary: 2022-

REV. DR. K. LALLAWMZUALA,

Executive Secretary

Champhai

Pianni: 13.10.1967,

Thiamna: B.A., B.D.,

M.Th., Ph.D.

Pro. Pastor: 1999-2001

Nemngheh kum: 2001



Pro Pastor

1. Bawngkawn Bial & Lecturer, ATC: 1999-2001

Pastor/Minister

1. Lecturer, ATC: 2002 - August 2003
2. Bangor, UK (Ph.D. zir): Sept. 2003-2007
3. Lecturer, ATC: 2008-2019
4. Aibawk Bial: 2020-2021
5. Executive Secretary: 2022 -

Moderator kal chhuak

REV.DR. C. CHAWNGHMINGLIANA

s/o Kapnghina, Thenzawl Dintar

Pian ni: 15.03.1961

Thiamna: B.Th., B.D., D.Min.

Nemngheh kum: 1987

Pro. Pastor

1. Phuaibuang Bial: 1985-1987

Pastor/Minister

1. Ambassa, Tripura: 1988-1990
2. Kawrthah Bial: 1991-1997
3. Muallungthu Bial: 1998-2004
4. Electric Veng Bial: 2005-2009
5. Administrative Secretary, Chhim Bial: 2010 - 2012
6. Tlangnuam Bial: 2013-2015
7. Editor, SLPB: 2016-2021
8. Ramhlun North Bial: 2022
9. Synod Moderator: 2023

Rev. Lalnghinglova



Rev. Lalnghinglova, Mission Vengthlang hi March 25, 1926-ah a piang a, kum 98 ni mekin, Mizoram Presbyterian Kohhrana Pastor/Minister

dam lai zinga upa ber a ni mek. Kum 1954 khan Pastor atan nemngheh a ni a, Rev. Lalchama nen dam lai zinga senior ber an ni mek.

Rev. Lalnghinglova hian Synod Inkhawmpui wawi 100-na hmangtute duhsakna a hlan a:

“Kan kohhran inkhawmpui lian ber Synod wawi 100-na kan lo thleng hi a ropui ka ti em em a. Pathianin heti taka kan kohhran mal min sawm hi kan hruaitute’n inngaitlawm taka Pathian rawng an bâwl zâr a ni ngei mai. India ramah mai ni lovin khawvel zau zawkah Chanchin Tha hrilin Lalpa rawng kan bâwl zel ang a, inngaitlawm tak leh Lalpa tih chung a rawng kan bâwl zel chuan malsawmin a awm zel ang.”

THLALAK

Tun Synod Inkhawmpui hian rorel, Pathian biak inkhawm leh thil danga hminghmerha chanvo nei - inkhawm hruaitu, thuhritu, adt. te chu an thlalak print chhuah zel a ni dawn. Thlalakte chu Khualchhawn bûkah lam theih a ni ang a, mahni inbengvâr mai turin kan inngan a ni.

Damdawi lam

Biak In hnung lama Committee Room no. 2-ah Damdawi lam buaiputute an inkulh a, doctor, nurse leh anmahni putute’n thutthilhin, taksa lama harsatna neite tanpui turin an inring reng a, mamawhte chuan inthlahrung hauh lova pan zel mai tur a ni. Hriselna lama harsatna nei, taksa chau zualte leh mamawh zualte tan mut hahchawlhna tur khum chhawp a ni bawh.

✚ Hriselna lama insawiselna nei leh damlo tan Viltu awm hnaite hnenah inhriattir ni se.

✚ Damdawi bûkah hian hengte hi a awm:

1. Blood pressure enna
2. Zunthlum dan enna
3. Oxygen san zawng enna
4. Khawsik enna
5. Damdawi chi hrang hrang
6. Inzawwna (strecher)

✚ **Emergency:** Damlo na bik, damdawi ina hruai ngai an awm chuan a hnuaia damdawi inahte hian hruai an ni ang.

1. Aizawl Hospital & Research Centre
2. B.N. Hospital, Kulikawn
3. City Hospital, Mission Veng

✚ **Ambulance:** Synod Inkhawmpui chhunga medical emergency duty atan Mission Veng Branch YMA-in an ambulance an thawh a, a lawmawm hle. Ambulance hi a ñul apianga hman turin chhawp reng a ni.

- *T.Upa Dr. Pachuau Lalmalsawma,
Secretary, Damdawi*

Chanchin Làwrkhawm

EI LEH IN

Synod Inkhawmpui palaite'n chhun lamah ei leh in tur tuihnai an eia an in theih nan Ei leh In lam buaipuitute'n theihtawp an chhuah a, ei tur an chhawp ang angte palaite'n puar leh tlai taka an ei theih ngei beisei a ni.

Ei leh In lam chuan hetiang hian an ruahman a:

1. Chhunah chhang fûn (pack) leh thei bakah, a duh belh tan sawhchiar leh artui dhum ei tur aawm ang.
2. Biak In hnuaiathingpui in turtechu thingpui in tura intlar angai lo ang a, \hutnaah sem vek tum ani.
3. Chhun lamaei-innahmunahteaduh tan thei lăk tur aawm ang.
4. Kohhran Hall kawtah thingpui sen háng, kurtai leh theitui in tur chhawp reng ani ang.

VILTU ZAT

Tun tum Synod Inkhawmpuia hian Viltu pawlah puipate leh member atana ruat mi 202 an awm a; Mission Veng aţangin mi 117, Thakthing Veng aţangin mi 36 leh Tuikhuahtlang aţangin mi 35 ruat an ni.

Viltute hi inthenin, inkhawm tum khatah mi 94 zel an awm dawn a, an zavaia duty tum an nei thin baw ang. Biak In chhâwng tinah duty an awm dawn a ni.

Viltute hi inkhawmpui palaite leh chhimtute a tul apianga pui turin an inring reng a, mamawh neite chuan inthlahrung hauh loin kan bul hnaia awm viltute hrilh zel mai tur a ni.

LIRTHEI TLAN THEIH

Synod Inkhawmpui palaite Aizawl khawpui chhunga lirthei tlan vel chungchangah harsatna a awm lohna turin thlengtu lam chuan hma a la a. Lirthei tlan loh ní-ah pawh an tlan chhuah theih nan Traffic Police hotu remtih angin Traffic police duty-te hnenah Synod palai nih thu insawi mai tur a ni. Hemi chungchangah hian Traffic SP-in thuchhuah hranpa a siam dawn lo a, duty-te an lo inhrilh dawn a, harsatna a awm lo tura beisei a ni.

TUI UM

Synod palaite tui um (bottle) pek vek tura ruahman a ni a, tui um hi neih nghal tur a ni. Inkhawmpui chhungin a dang inpêk a ni tawh dawn lo a, tui kan in zo a nih chuan mahniin tui thianghlim chhawp aţangin tui umah thun khah zel mai tur a ni.

ZUNRAM THIARNA

Biak In chhâwng tin hnung lamah leh Biak In thlanga Gospel Centenary Building chhâwng tinah zunram thiarna a awm a, mamawh tan mahni remchanna hmuna mi pan mai tur a ni e.

ZUK LEH HMUAM

Mission Veng Biak In hung chung khawi hmunah pawh vaihlo zûk leh hmuam tih a remchang lo. Biak In floor mai bakah, a chhawng tinah, a hnuai ber (ground floor/parking) thlengin zûk leh hmuam ti lo turin palaite leh chhimtute kan inngen a; a ti duhte chu Biak In huam chin pawn lamah ti turin kan inngen e.

Inkhawmpui hlimthlā



PALAI THLENGTE LEH LO BUAIPUITU KHUALCHHAWNTE



INBUATSAIHNA HNATLANG



PALAI THENKHAT



PALAI



INBUATSAIHNA HNATLANG



REV. C. ROSIAMA & REV. ZOSANGLIANA COLNEY TEN PALAI AN HMUAK

CHHUAHTU: TLANGAU, SYNOD INKHAWMPUI THLEN COMMITTEE